

O Concello de Baiona continúa co trámite de expropiación da Casa de Teresina.

Escrito por Redaccion @valminorinfo
Luns, 01 Setembro 2014 22:16

O Concello de Baiona continúa co trámite de expropiación da Casa de Teresiña, histórica finca do século XVII, localizada a carón da casa consistorial e propiedade de dona Mercedes Álvarez Acal. Trala aprobación no pleno do pasado 21 de agosto, do expediente de expropiación, o Boletín Oficial da Provincia publica este luns 1 de setembro, a relación dos bens afectados, en dúas parcelas próximas aos 633 m2, segundo estimacións municipais.

Segundo datos aportados no debate plenario, a administración de Jesús Vázquez Almuíña ten taxada o inmovible nunha cifra próxima aos 397 mil euros. Cifra que a propietaria non acredita como válida, máis esgotada a vía municipal, agora deberá enfrontar as intencións expropiatorias do concello no ámbito xudicial. Por outra banda, será o Xurado de Expropiación de Galicia o encargado de fixar o prezo final da parcela.